



Bosna Hercegovina
Federacija Bosne i Hercegovine
Tuzlanski kanton
OPĆINA GRADAČAC

H.K. Gradašćevića 54, 76 250 Gradačac, telefon 035-369-750, fax, 035-369-751, e-mail: opc.grad@bih.net.ba, www.gradacac.ba,

Općinski načelnik

Broj: 02-14-2668/18

Datum: 18.01.2019. godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine F BiH“ broj: 35/05), člana 38. stav 1. tačka 6. Statuta Općine Gradačac („Službeni glasnik Općine Gradačac“ broj: 4/08, 5/12, 1/17 i 5/18) i člana 100. st. (3) Zakona o javnim nabavkama („Sl. glasnik BiH“, br. 39/14), a u vezi sa Žalbom broj: 7-2-394/18 od 17.12.2018. godine ponuđača „Balegem“ d.o.o. Gradačac, u postupku javne nabavke: Izgradnja saobraćajnice krak 11 u Poduzetničkoj zoni u Gradačcu, postupajući po preporuci iz Zapisnika o vijećanju Komisije za javne nabavke broj: 02-14-2688/18 od 25.12.2018. godine, Općinski načelnik d o n o s i

R J E Š E N J E

Djelimično se usvaja žalba žalioca „Balegem“ d.o.o. Gradačac izjavljena na Odluku Općinskog načelnika o dodjeli ugovora broj: 02-14-2668/18 od 11.12.2018. godine.

Dispozitiv Odluke Općinskog načelnika o dodjeli ugovora broj: 02-14-2668/18 od 11.12.2018. godine ostaje ne promijenjen.

O b r a z l o ž e n j e

Odlukom broj: 02-14-2668/18 od 12.11.2018. godine pokrenut je postupak javne nabavke za izvođenje radova: Izgradnja saobraćajnice krak 11 u Poduzetničkoj zoni u Gradačcu, a dana 14. 11. 2018. godine pod brojem: 1400-1-3-89-3-63/18 objavljena je javna nabavka na portalu javnih nabavki. Do ostavljenog roka ponude su dostavili ponuđači: „Balegem“ d.o.o. Gradačac, Grupa ponuđača „Arapovac putevi“ d.o.o. Čelić i „Eko prom“ d.o.o. Brčko Distrikt (dalje: Grupa ponuđača), te ponuđač „Galax-Niskogradnja“ d.d. Brčko. Nakon evaluacije ponuda od strane Komisije za javne nabavke Općine Gradačac (dalje: komisija za javne nabavke), Općinski načelnik je dana 11.12.2018. godine donio Odluku o dodjeli ugovora broj: 02-14-2668/18 (dalje: Odluka o dodjeli ugovora) kojom je, u skladu sa preporukom Komisije za javne nabavke, ugovor dodijelio ponuđaču koji je ponudio najnižu cijenu (u skladu sa odabranim kriterijem za dodjelu ugovora) „Galax-niskogradnja“ d.d. Brčko.

Dana 18.12.2018. godine ponuđač „Balegem“ d.o.o. Gradačac je izjavio žalbu broj: 7-2-394/18 na Odluku o dodjeli ugovora iz razloga što nije donešena u skladu sa Zakonom o javnim nabavkama, podzakonskim aktima i Tenderskom dokumentacijom.

Žalba je blagovremena, dopuštena i izjavljena od strane ovlaštene osobe.

Kao dokaze za navedeno ponuđač i žalilac „Balegem“ d.o.o. Gradačac navodi sljedeće:

1. Ovlaštenje dato Merimi Bilalović od strane direktora „Arapovac putevi“ d.o.o. Čelić Sadmira Mešića da zastupa i potpisuje svu dokumentaciju u ponudi za grupu ponuđača ne odnosi se i na preduzeće „Eko prom“ d.o.o. Brčko, čime su izjave iz članova 45.-52. Zakona ne važeće.
2. Grupa ponuđača je cijenu ponude ispravljala korektorom, što nije u skladu sa načinom brisanja propisanim u Tenderskoj dokumentaciji.
3. Grupa ponuđača nije pravno i formalno zadovoljila uslov propisan Tenderskom dokumentacijom koji se odnosi na profesionalnu sposobnost jer nisu dokazali da imaju 5

rukovaoca građevinskim mašinama (predloženi rukovaoc Novalija Dedić se ne nalazi na listi osiguranih lica ni kod „Arapovac putevi“ d.o.o. Čelić ni kod „Eko prom“ d.o.o. Brčko).

4. „Galax niskogradnja“ d.d. Brčko, priloženim ugovorima u Tenderskoj dokumentaciji kojima dokazuje minimalne uslove u pogledu profesionalne sposobnosti, a koji su propisani Tenderskom dokumentacijom, nije dokazala ispunjenost propisanih uslova Tenderskom dokumentacijom, jer priloženi ugovori po karakteru i kompleksnosti nisu isti ili slični sa nacrtom ugovora uz Tendersku dokumentaciju.

Dana 25.12.2018. godine Komisija za javne nabavke Općine Gradačac je razmotrila žalbene navode, provela ispitni postupak i utvrdila slijedeće činjenično stanje:

- Žalbeni navod pod r.br. 1. odbija se kao neosnovan, obzirom da je Grupa ponuđača, u svojoj Ponudi za izgradnju saobraćajnice krak 11 u Poduzetničkoj zoni u Gradačcu, na strani 153-154 dostavila Ugovor o zajedničkom nastupu i podnošenju zajedničke ponude za radove na izgradnji saobraćajnice krak 11 u poduzetničkoj zoni u Gradačcu, kojim je u članu 2. stav 3. imenovala „Arapovac putevi“ d.o.o. Čelić kao predstavnika Grupe ponuđača, te je nesporno ovlaštenje broj: 04-097-P/2018 od 03.12.2018. godine direktora predstavnika Grupe ponuđača Sadmira Mešića Merimi Bilalović da potpisuje izjave i ostalu potrebnu dokumentaciju koja se odnosi na predmetnu javnu nabavku.
- Žalbeni navod pod r.br. 2 usvaja se, obzirom da je Tenderskom dokumentacijom za javnu nabavku radova: Izgradnja saobraćajnice krak 11 u Poduzetničkoj zoni u Gradačcu pod 4.1. propisano ukoliko ponuđač primijeti da je načinio grešku prilikom pripreme ponude ista mora biti ispravljena na način da ispravljani podaci moraju biti vidljivi, potvrđeni potpisom ponuđača i sa datumom izvršenja ispravke. Navedeno nije slučaj u ponudi Grupe ponuđača gdje su greške ispravljene korektorom, a ispravka nije vidljiva. Ovakav način ispravke greške ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i Tenderskoj dokumentaciji, a ponuda Grupe ponuđača smatra se prihvatljivom.
- Žalbeni navod pod r.br. 3. odbija se kao neosnovan obzirom da je u tenderskoj dokumentaciji Grupe ponuđača, na stranici 87. priloženo Uvjerenje broj:49993 od 28.11.2018. godine Federalnog zavoda za penzijsko/mirovinsko i invalidsko osiguranje – Mostar, Kantonalna administrativna služba – Tuzla, o podacima registrovanim u matičnoj evidenciji za Novaliju Dedića u kojem je vidljivo da je Novalija Dedić od 18.09.2018. godine osiguranik privrednog društva „Arapovac putevi“.
- Žalbeni navod pod r.br. 4 odbija se kao neosnovan obzirom da ugovorni organ samtra da su ugovori koje je ponuđač „Galax-niskogradnja“ d.d. Brčko dostavio uz tendersku dokumentaciju prihvatljivi kao dokaz da je ponuđač u proteklom periodu upješno realizovao 3 ugovora čiji su karakter i kompleksnost isti ili slični onima koji se odnose na predloženi ugovor.

U skladu sa navedenim, a na osnovu člana 100. Zakona o javnim nabavkama («Sl. glasnik BiH», br. 39/14), odlučeno je kao u dispozitivu ovog rješenja.

Pouka o pravnom lijeku: Protiv ovog Rješenja može se izjaviti žalba Uredu za razmatranje žalbi Bosne i Hercegovine u roku od 5 dana od dana njegovog prijema. Žalba se predaje ovom organu pismeno ili putem pošte u tri primjerka.

DOSTAVITI:

1. Ponuđačima – 1x
2. Evidenciji – 1x
3. a/a – 1x

